



## KENYATAAN MEDIA

### **BULAN SYAWAL BERKUNJUNG TIBA, IKATAN KELUARGA MALAYSIA TERUS TERPELIHARA**

---

Putrajaya, 2 Mei 2022 – Ketibaan Syawal sudah tentu dinanti-nantikan oleh seluruh Keluarga Malaysia beragama Islam di negara ini. Sambutan Aidilfitri tahun ini lebih bermakna setelah 2 tahun negara berdepan dengan wabak COVID-19 dengan menyaksikan kita semua perlu mematuhi Prosedur Operasi Standard (SOP) yang telah ditetapkan oleh Kerajaan.

2. Kini segalanya berubah apabila negara telah pun berada dalam fasa peralihan ke Endemik dengan pelbagai kelonggaran SOP diumumkan. Pasti ianya merupakan khabar gembira buat semua. Hari Raya Aidilfitri kali ini pastinya amat dinanti-nanti oleh seluruh Keluarga Malaysia. Tergambar kemeriahan dan kegembiraan menyambutnya bersama insan tersayang.

3. Hulurkan tangan bermaaf-maafan dan meriahkanlah dengan amalan kunjung mengunjung kaum keluarga, sanak saudara dan rakan taulan tanpa mengira kaum dan agama. Inilah amalan hidup bermasyarakat yang perlu kita suburkan apatah lagi dalam sebuah keluarga besar, “Keluarga Malaysia” yang memiliki kepelbagaian ini. Momen perpaduan inilah yang akan menjadi antara detik indah yang akan dikenang selain dapat mengeratkan lagi ukhwah dan silaturrahim sesama kita serta menjadi asas kepada kekuatan Keluarga Malaysia.

4. Dalam kita meraikan Syawal ini, aspek keselamatan dan kesihatan perlu sentiasa diberi keutamaan. Amalkan gaya hidup dan pemakanan yang betul serta sentiasa berhati-hati dengan keadaan sekeliling.

5. Saya juga mendoakan agar Aidilfitri kali ini dilimpahi dengan keberkatan dan rahmat-Nya. Mudah-mudahan ikatan silaturrahim Keluarga Malaysia yang terpatri sejak sekian lama akan sentiasa kekal kukuh dan utuh dan kita dapat terus mengecapi suasana penuh muhibah dan harmoni.

6. Akhir sekali, saya dengan seikhlas hati mengucapkan Selamat Hari Raya Aidilfitri, Maaf Zahir dan Batin kepada seluruh Keluarga Malaysia

Salam Aidilfitri.

Taqabbalallahu Minna Wa Minkum.

**Datuk Halimah binti Mohamed Sadique  
Menteri Perpaduan Negara**

2 Mei 2022

-TAMAT-

***Mengenai Kementerian Perpaduan Negara:***

Kementerian Perpaduan Negara ditubuhkan pada 10 Mac 2020 Fungsi utama Kementerian Perpaduan Negara adalah untuk memacu agenda perpaduan nasional bagi memastikan kesejahteraan dan keharmonian rakyat Keluarga Malaysia.

**Pertanyaan media**

Unit Komunikasi Korporat,  
Kementerian Perpaduan Negara

Tel: +603 8091 8041 Fax: +603 8888 8568 569

E-mail: [pro@perpaduan.gov.my](mailto:pro@perpaduan.gov.my)

No rujukan: KPN.UKK.1009/1/8 (124)